

平章姜公輔墓

在欽州城東北一百七十里遵化鄉那櫃村

宋奉諫大夫鄧大周墓

在靈山城東五里東山嶺

明叅政韓珠墓

在廢石康縣界黃姜嶺下

御史沈福墓

在永安海岸鄉大人灣

知府楊冠墓

在欽州城西北三里高橋

孝子施敦墓

在永安城東二里北宦塘

江西石城王府鎮國將軍朱統鑿墓

在靈山城東五

里

古蹟

合浦

廉州故城

在府治北七十五里蓬萊鄉唐州治也一在合浦縣多懼鄉西北去

府一十五里

越州城

在府治東一十里一名青牛城劉宋置越州時見三清園之即其處置城

因以名焉

太平縣

即今郡治宋太平興國中于海門鎮置太平縣咸平初廢

封山縣

在舊廉州南一百二十里南齊置封山郡隋罷郡為縣唐武德中以縣置

姜州後州廢以縣屬廉州宋開寶五年廢

蔡龍縣

舊在廉州北一百五十里唐初置屬姜州貞觀中改為廉州後廢即今蔡

龍洞

東羅縣

唐初置屬姜州貞觀中省入廉州

大廉縣

在舊廉州東南一百里唐初置後廢入石康

高城縣

在廉州境貞觀中省入蔡龍縣

珠池縣

在府治南唐貞觀中置後廢入合浦

媚川都

在府治南漢劉鋹置令人採珠溺死者衆宋開寶五年詔廢之

常樂縣

在廢石康縣治南漢置宋太祖按嶺南圖籍遂廢

石康縣

在府治東北三十里成化八年併入合浦

仙人橋

在府治東十五里新寮堡之前溪中突起一石儼如巨洲長四丈許濶半

之南岸斗石聯穹北岸條石橫架上
有巨人跡南有石人夾峙西岸有
地址如城池之狀過東又一石橋
橋架小溪橋頭有石佛石盤俗傳
仙人撐石船引大廉小港北通石
康至此聞雞鳴乃止又名石雞橋

還珠驛

漢孟嘗守合浦去珠復還人慕其廉亭以表之

欽州

欽州故城

在州東北五十里地名高沙土城隋開皇時遷舊州故城舊址尚存

玉山州

在州境內唐廢

南亭州

在欽州境唐初置領內亭遵化二縣貞觀初廢

安海縣

即廢玉山州屬縣見玉山州下

安遠縣

在州境內梁置安京郡隋廢郡為縣唐改曰保京宋改安遠元因之明初

省入

州

銅柱

漢伏波將軍馬援既平交趾立此以表漢界在州治西貼浪都古森崗上後有

銘云銅柱折交趾滅交

人懼常加土石培之

銅鼓

按本州永樂鄉團光村有銅鼓井塘曰銅鼓塘相傳掘地得銅鼓遂成井泉因名

防城水驛

在時羅都防城村永樂十四年置宣德中廢

佛陶水驛

在佛陶巡檢司永樂十四年置宣德中廢

寧越遞運所

在州城外欽州東岸宣德五年改建河泊所後併廢

涌淪遞運所

在時羅都涌淪村宣德五年廢

平銀馬驛

在州治東三十里平銀渡成化九年裁革

佛陶巡檢司

在時羅都永樂十四年建宣德五年其地為交趾所據遂廢

如昔巡檢司

在如昔都宣德間廢安南布政司州民黃金廣等以其地降安

南遂廢其地屬萬寧州今江平金勒丫葛村是

靈山

欽江縣

遵化縣

在縣南六十里上武鄉新兒村遺址尚存

丙亭縣

在縣治西九十里下甲鄉陸村址尚存

南賓縣

在縣西北五里峯子嶺下

舊州故址

在縣治西八十里下東鄉今立市唐自欽江徙州治於此至宋又自

此徙州治於安遠

龍門驛

在上安業鄉二百里永樂中立宣德間蕪革

安遷驛

在縣治西一百里秋風鄉永樂立宣德間廢

石室

在縣西狼濟山寧原梯讀書之所有石室石門外有石橋兩石夾峙其上

卷之二終

廉州府志卷之三

知廉州府事紀錄十次襄平徐成棟纂修

同知廉州府事加三級嘉禾孫燾校正

合浦縣知縣現奉行取高陽韓三異

欽州知州遼陽董紹美 全閱

合浦縣知縣遼陽鈕廷彩 全閱

靈山縣知縣沈丘唐開運 全閱

建置志

王公設險周制掌修匪高匪深登埤焉賴若

乃象魏之宇積儲之原置郵以傳命坊表以

樹聲皆政之經不容或已者相時而修舉不

妨民力不費民財一勞而永逸亦政之不容已者至於津梁無病涉之苦寒泉有養人之利亦政不可闕者因併及之志建置

城池

廉州府城宋元祚間創紹聖門知府羅守成修洪武三年百戶劉春增築六百九十丈五尺謂之舊城二十八年指揮孫全復移東城一百五十丈增廣土城四百一十八丈宣德間指揮王斌砌以磚謂之新城門三東曰朝